

All in for Kids

Txoj kev pab CLTS Waiver Program (Txoj Kev Pab Zam) Tsab Ntawv Xov Xwm Rau Tsev Neeg

All in for Kids (Tag Nrho Rau Me Nyuam Xov Xwm); txoj kev pab CLTS Waiver Program (Txoj Kev Pab Zam) yog ib tsab ntawv xov xwm tsim los faj seeb qhia rau koj thiab koj lub tsev neeg txog cov kev pab txhawb thiab kev pab cuam uas muaj los ntawm txoj kev pab CLTS Waiver Program (Txoj Kev Pab Zam). Tsab ntawv xov xwm yog tshaj tawm los ntawm Wisconsin Department of Health Services (Tuam Tsev Tswj Xyuas Cov Kev Kho Kab Mob Kev Nkeeg).



Kauj ruam peb ntawm Deciding Together (Txiaiv Txim Ua Ke): kev ntsuas txog cov kev xaiv

(Step three of Deciding Together: weighing the options)

Txoj kev pab Children's Long-Term Support (Txoj Kev Pab Txhawb Rau Me Nyuam Mus Ntev) (CLTS) Waiver Program (Txoj Kev Pab Zam) yuav siv txoj hau kev muaj ib pawg neeg sib koom hu ua Deciding Together (Txiaiv Txim Ua Ke) los txiaiv txim siab. Nyob rau hauv txoj kev no, koj yog tus tswv cuab tseem ceeb thiab tus neeg paub tshaj txog lub tsev neeg cov hom phiaj, cov ua tau zoo thiab cov kev tu ncu. Deciding Together (Txiaiv Txim Ua Ke) xam txog koj lub tsev neeg cov kev tau ntsib muaj thaum los tsim muaj Individual Service Plan (Lub Tswv Him Npaj Txhawb Tib Leeg) (ISP), uas yog ib qho kev npaj tshwj xeeb ntawm cov kev pab txhawb thiab pab cuam rau koj tus me nyuam thiab tsev neeg.

All in for Kids (Tag Nrho Rau Me Nyuam Xov Xwm): Txoj kev pab CLTS Waiver Program (Txoj Kev Pab Zam) tsab ntawv xov xwm yuav txhawb lub tsev neeg hauv qhov txheej txheem Deciding Together (Txiaiv Txim Ua Ke).

H

Cov ncauj lus hauv tsab ntawv xov xwm no yog tshaj tawm raws li txoj cai Social Security Act § 1915(c) thiab 42 C.F.R. § 440.180.

NCAUJ LUS QHIA RAU KOJ

Rau cov ntawv xov xwm uas piav qhia cov kauj ruam ib thiab ob ntawm Deciding Together (Txiav Txiam Ua Ke), mus rau www.dhs.gov/library/akids21.htm thiab nias cov chaw txuas mus rau cov ntawv xov xwm hauv lub Ib Hlis Ntuj thiab Ob Hlis Ntuj. Tsab ntawv xov xwm no yav tom ntej yuav sau txog cov kauj ruam tom ntej. Muaj cov ntsiab lus txog qhov txheej txheem Deciding Together (Txiav Txim Ua Ke) nyob rau ntawm www.dhs.wisconsin.gov/library/p-02246.htm.

Tsab ntawv xov xwm thaum lub Ib Hlis Ntuj twb sau txog kauj ruam ib: sib tham txog cov ua tau zoo, cov kev tu ncu, thiab cov hom phiaj. Tsab ntawv xov xwm thaum lub Ob Hlis Ntuj twb sau txog kauj ruam ob: kev tawm tswv yim zoo txog cov kev daws teeb meem rau cov kev pab thiab leej twg yog tus yuav muab kev pab. Tsab ntawv xov xwm no yuav txhais qhia kauj ruam peb: kev ntsuas txog cov kev xaiv. Qhov no txhais tau tias yog txheeb cov kev xaiv muaj ntawm kauj ruam ob kom txheeb tau txoj kev zoo tshaj plaws rau koj lub tsev neeg thiab tus me nyuam.

Thaum kauj ruam peb, pab neeg ua hauj lwm ua ke los txiav txim seb cov kev xaiv twg yuav ua tau hauj lwm zoo dua. Cov uas pab neeg yuav xam txog muaj xws li:

- Nws puas haum rau lub hom phiaj los sis kev ua tau rau tus me nyuam? (Xav txog cov kev tu ncu luv thiab ntev tib si.)
- Nws puas pab txhawb kom muaj cov txuj ci? Piv txwv, nws puas pab kom tus me nyuam xyaum ua si nws tus kheej los sis ua tau ib qhov khoom noj txom ncauj los sis ib puas noj?
- Qhov kev xaiv no puas ua tau rau koj lub tsev neeg? Piv txwv, nws yuav tsum ua hauj lwm nrog koj lub neej thiab lub tsev neeg cov sij hawm.
- Nws puas haum rau koj lub tsev neeg cov kev tseem ceeb, cov muaj nuj nqis thiab kab lis kev cai? Piv txwv, yog tias ib yam tseem ceeb rau lub tsev neeg yog siv sij hawm nyob ua ke kom txaus siab, ib qho kev xaiv uas siv ib yam kev ua si nrog ib pab neeg yuav haum zoo dua.

Ncauj lus tswv yim los ntawm koj thiab tus me nyuam pab rau qhov txheej txheem no yuav muaj nqis. Ntawm no yog qee cov tswv yim pab rau koj thiab koj lub tsev neeg npaj rau kauj ruam peb:

- Xav txog cov kev xaiv uas koj nyiam thiab yog vim li cas. Thaum koj ua qhov no, nws yuav pab yog tias koj:
 - Muab cov kev xaiv teeb raws qib tseem ceeb rau koj. Xyuas seb cov kev xaiv twg haum rau koj lub tsev neeg thiab tus me nyuam cov kev tu ncu loj tshaj plaws, xws li cov niam txiv los sis neeg zov tu yuav tau npaj kom muaj lub caij so luv luv los sis tus me nyuam muaj caij tawm mus ua si sab nraum zoo nrog cov phooj ywg.
 - Txiav txim seb cov kev xaiv twg koj xav tias yuav pab tau zoo tshaj plaws. Xav txog cov kev xaiv uas yuav pab tau rau tam sim no thiab yav pem suab. Lawv puav leej tseem ceebt!
- Xyuas txog cov kev pab txhawb thiab pab tu xyuas uas muaj. Xav tau cov teev muaj, mus rau www.dhs.wisconsin.gov/library/p-02570.htm.

Pab neeg lub rooj sib tham yuav vam meej dua yog koj raus tes koom. Tso siab lug qhia cov kev xaiv uas koj yeem thiab seb koj xav tias yuav pab tau li cas. Koj puav leej teev tau rau hauv ntawv kom pab koj nco txog yam tau sib tham tag. Nco ntsoov, koj yog tus neeg paub tshaj txog koj lub tsev neeg cov kev tu ncu. Nws yuav pab tau yog tias koj:

- Nug tej lus xws li “Thaum twg yuav pib muaj qhov kev pab tu xyuas?” los sis “Kuv yuav hu rau leej twg yog kuv tsis nkag siab tias yuav muab txoj kev pab tu xyuas li cas?”
- Qhia cov ncauj lus uas tseem ceeb txog koj lub tsev neeg thiab tus me nyuam. Yog muaj ib yam twg tseem ceeb rau koj, nws yuav tseem ceeb rau tag nrho pab neeg.

H

Cov ncauj lus hauv tsab ntawv xov xwm no yog tshaj tawm raws li txoj cai Social Security Act § 1915(c) thiab 42 C.F.R. § 440.180.

- Qhia rau pab neeg txog yam koj pom tias yog muaj txiaj ntsim ntawm ib yam kev xaiv twg. Nws yuav zoo heev yog koj qhia seb vim li cas koj thiaj xav tias qee txoj kev xaiv yuav haum rau koj lub tsev neeg zoo tshaj.
- Qhia koj cov kev txhawj xeeb txog cov kev xaiv no. Nws yuav pab tau yog qhia txog tej yam li koj txhawj xeeb tias ib txoj kev xaiv yuav tsis haum rau koj lub tsev neeg cov kev tu ncu los sis yuav tsis ua hauj lwm rau koj lub tsev neeg cov sij hawm.

Nws tseem ceeb rau pab neeg ua hauj lwm ua ib ke hauv qhov txheej txheem no. Mloog lwm cov neeg cov kev xav thiab cov tswv yim. Yog muaj cov kev tsis sib haum xeeb, nco ntsoov pab neeg lub hom phiaj: kev txhawb rau tus me nyuam txoj kev vam meej.

Kom nkag siab zoo dua thiab lwm cov nkag siab txog yus:

- Xav txog yam koj yuav tau muaj thiab npaj qhia koj cov kev xav.
- Nug cov lus txog tej uas cov chaw muab kev pab yuav ua tau thiab ua tsis tau.
- Nug tus support and service coordinator (kws tswj xyuas kev txhawb thiab kev tu xyuas) (SSC) kom sau ntawv piav qhia cov kev txiaj txim yog tias koj muaj kev txhawj xeeb.
- Thov kom tau sij hawm ntxiv los xav txog cov kev xaiv yog tsim nyog.

Ua ntej lub rooj sib tham xaus, nws yuav pab tau yog ua koj ncauj lus txheeb cov kev xaiv uas pab neeg pom zoo rau. Koj puav leej thov tau kom tus SSC nyeem lawv cov ntsiab tseem ceeb thiab cov kauj ruam tom ntej. Qhov no yuav pab kom txhua tus nkag siab tib yam.

Ntsuas cov kev xaiv yuav txheeb tau pab neeg cov tswv yim los npaj rau kauj ruam plaub: kev tsim muaj lub tswv yim rau tus me nyuam. Xyuas cov lus piav qhia txog kauj ruam plaub hauv tsab ntawv xov xwm tom ntej!

Cov tsev neeg yuav pab npaj tus luas rau txoj kev ua hauj lwm

Kev muaj hauj lwm ua yuav muaj ntau yam txiaj ntsim zoo. Nws muab nyiaj txiaj, kev sib cuag nrog lawv lub zej zog, lub caij ntaus phooj ywg, thiab kev txhawb rau lub siab ntsws thiab lub cev ntaj ntsug txoj kev noj qab haus huv ntawm tib neeg. Cov tsev neeg thiab cov neeg zov tu yuav pab tau cov me nyuam kom txawj cov txuj ci uas yuav pab rau lawv txoj kev ua hauj lwm yav pem suab.

Yog muaj cov kev pab txhawb thiab kev pab tu xyuas yog, cov tib neeg muaj cov kev tsis taus yeej competitive integrated employment (koom kev sib tw ua hauj lwm) (CIE). “Competitive integrated employment (koom kev sib tw ua hauj lwm)” txhais tau tias ib tug neeg muaj ib txoj kev tsis taus yeej ua tau ib txoj hauj lwm nyob rau hauv lub zej zog uas muaj rau lwm cov neeg thiab them nyiaj sib npaug zos. Qhov hauj lwm CIE yuav rhais mus ua lwm txoj hauj lwm thaum tus neeg ua hauj lwm kawm tau cov txuj ci thiab nce qib hauj lwm. Cov qauv ua piv txwv rau cov hauj lwm CIE muaj xws li:

- Kev ua hauj lwm hauv khw ua noj ua haus, khwv nyiaj mus kawm ntawv qib siab los sis txawj cov txuj ci nce tau rau qib hauj lwm ua tus coj ib pab neeg.
- Ua hauj lwm hauv lub chaw khiav dej num ntaus ntaub ntawv los sis luam ntaub ntawv. Qhov no yuav rhais tau mus ua cov hauj lwm tswj xyuas kev zoo

H

Cov ncauj lus hauv tsab ntawv xov xwm no yog tshaj tawm raws li txoj cai Social Security Act § 1915(c) thiab 42 C.F.R. § 440.180.

ntawm khoom, kev teeb tsa tshuab hluav taws xob, los sis kev tswj xyuas ntaub ntawv rau yav pem suab.

- Kev ua hauj lwm teeb khoom hauv khw yuav txawj zus mus ua hauj lwm sau nyiaj muag khoom los sis thawj tswj xyuas fab hauj lwm.

Kev pab kom tus me nyuam muaj cov txuj ci mus ua hauj lwm yav pem suab

Cov me nyuam yuav npaj txhij mus ua lub neej laus yog cov tsev neeg teeb cov kev xav tau kom mee rau lawv thiab muab kev pab txhawb rau lawv. Qhov no muaj tseeb rau cov me nyuam uas muaj cov kev tu ncuu tshwj xeeb. Ntawm no yog qee yam uas koj ua tau kom pab npaj tus me nyuam rau kev ua hauj lwm yav pem suab:

- Pib thaum tus me nyuam tseem yau. Txib cov hauj lwm ua hauv vaj hauv tsev haum lawv hnuv nyoog thiab kev loj hlob, xws li khaws cia cov khoom ua si, pub tsiaj, teeb rooj noj haus, los sis pab npaj ib puas noj.
- Yog tias tus me nyuam txawj ua tau ib yam hauj lwm lawm, txib lawv ua lwm cov hauj lwm uas yuav siv tib co txuj ci qub. Piv txwv, xaiv cov khaub ncaws nyias hom tso rau nyias thiab muab cov tais dia ntxuav huv cia puav leej siv cov txuj ci teeb cais cov zoo sib xws rau tib qho chaw.
- Nrhiav cov hauj lwm uas pab txhawb tus me nyuam cov txuj ci siv lub cev. Piv txwv, txawj siv cov yas cev me yuav txhawb rau cov txuj ci xws li sib cais thiab sib teeb cov khoom (xws li muab cov diav rawg cia los sis muab cov thom khwm zoo sib xws tais ua ke). Txawv siv cov yas cev loj yuav txhawb rau txoj kev txav mus los thiab kev nqa khoom (xws li nqa khib nyhiab mus pov rau lub thoob sab nraum zoov).
- Nrhiav cov hauj lwm uas siv lwm cov txuj ci uas tus me nyuam yuav tau xyaum. Piv txwv, yog tus me nyuam muaj teeb meem tsis nco qab, kev teeb rooj noj haus yuav muab caij rau nws kom nco tias cov phaj yog nyob qhov twg, tso cov diav rawg rau qhov twg thiab cov khob txawb rau qhov twg.

Koj cov kev xav tau txog kev kawm ntaub ntawv, kev kawm hauj lwm, thiab ke ua hauj lwm yog ib feem loj heev ntawm txoj kev npaj tus me nyuam rau nws lub neej yav tom ntej. Koj txhib tus me nyuam heev dua kom ua tau, nws yuav txawj ua tau zus. Xav rau qhov loj thiab qhuas lawv!

Kev txhawb lub siab ntsws: cov kev pab neeg hluas peem dhau txoj kev xav phem txog kev puas siab ntsws puas hlwb

Kev xav phem yog ib txoj kev ntseeg phem los sis tsis zoo txog ib tug neeg txawv. Cov me nyuam muaj kev puas siab ntsws puas hlwb yuav ntsib kev xav phem los ntawm lawv cov npoj yaig los sis hauv tsev kawm ntawv los sis hauj lwm. Kev xav phem yuav rhais mus ua:

- Kev xav tsis zoo txog tus kheej.
- Kev txaj muag.
- Kev cais nyob ib leeg.
- Muaj cov hom phiaj tsawg.
- Kev ntxhov siab.
- Kev nyuab siab.

KOOM PEB COV TAU TXAIS NTAWV EMAIL

Kom txais tau ceev dua, rau npe kom tau tsab ntawv xov xwm xa hauv tshuab hluav taws xob tuaj thiab lwm cov ntawv email txog txoj kev pab CLTS Waiver Program (Txoj Kev Pab Zam). Mus rau public.govdelivery.com/accounts/WIDHS/subscriber/new?topic_id=WIDHS_554. Koj puav leej rau npe kom tau Department of Health Services (Tuam Tsev Tswj Xyuas Cov Kev Kho Kab Mob Kev Nkeeg) lwm cov kev pab tu xyuas mus ntev cov ntawv email ntawm www.dhs.wisconsin.gov/dms/ltc-email-signup.htm.

H


Cov ncauj lus hauv tsab ntawv xov xwm no yog tshaj tawm raws li txoj cai Social Security Act § 1915(c) thiab 42 C.F.R. § 440.180.

Cov niam txiv thiab cov neeg zov tu yuav pab tau cov neeg hluas tswj txog kev xav phem rau kev puas siab ntsws. Koj yuav pab tau los ntawm:

- Kev qhia koj tus kheej thiab tus me nyuam txog lawv txoj kev puas siab ntsws puas hlwb, cov kev mob tshwm sim, thiab kev kho.
- Sib tham nrog ib tug kws kho mob los sis kws kho kev puas siab ntsws puas hlwb kom paub los sis kom tau tswv yim.
- Qhia txog tus me nyuam thiab lawv txoj kev puas siab ntsws puas hlwb rau lub tsev kawm ntawv. Qhia rau cov neeg ua hauj lwm hauv tsev kawm ntawv txog cov yam ntxwv uas lawv yuav pom muaj.
- Sib txuas nrog cov tib neeg thiab cov tsev neeg uas muaj kev puas siab ntsws puas hlwb. Mloog tej dab neeg ntawm lwm cov tsev neeg thiab seb lawv tswj cov xwm txheej li cas. Tus SSC yuav qhia koj mus cuag saum huab cua, hauv zej zog, los sis cov pawg tsev kawm ntawv los sis cov kev pab hauv zos los sis cov koom haum muab kev pab txhawb.
- Kev siv cov peev txheej los ntawm cov koom haum thiab cov chaw xws li:
 - National Alliance on Mental Illness (NAMI): nami.org
 - Wisconsin Initiative for Stigma Elimination (WISE): wisewisconsin.org

Youth Mental Health Crisis Plan Card (Neeg Hluas Daim Yuaj Teev Qhia Kev Puas Ntsoog Siab Ntsws) Tshiab

Cov cuab yeej saib pom yuav pab rau kev nkag siab txog kev tswj ib yam kev puas ntsoog ntawm siab ntsws. Ib qho cuab yeej yog Youth Mental Health Crisis Plan Card (Daim Yuaj Teev Qhia Kev Puas Ntsoog Siab Ntsws) tsim muaj los ntawm Wisconsin Office of Children’s Mental Health (Chaw Khiav Dej Num Tswj Xyuas Me Nyuam Kev Siab Ntsws Noj Qab Haus Huv). Daim yuaj yog ib txoj kev rau tus neeg hluas qhia rau cov neeg laus ib puag ncig nws paub pab hauv thawj tsib feeb thaum muaj kev puas ntsoog siab ntsws.

 <p>DAIM NTAWV TEEV KEV PUAS NTSOOG SIAB NTSWS</p> <p>Npe: _____</p> <p>Cov neeg twg: _____</p> <p>▶▶▶ Kuv xav tau kev pab li 5 feeb tom ntej no. ◀◀◀ Ntawm no yog cov koj yuav tsum muaj thiaj pab tau kuv:</p> <p>1. _____</p> <p>2. _____</p> <p>3. _____ <small>(tig nraud) H</small></p>	<p>Kuv thawj tus neeg pab kuv: _____</p> <p>Kev sib txheeb: _____</p> <p>Xov tooj: _____</p> <p>Mus cuag kev pab rau koj los sis rau ib tug phooj ywg: Xav paub ntxiv:</p> <p>☎ 1.800.273.8255</p> <p>💬 Ntaus "HOPELINE" mus rau 741741</p> <p>📱 "Speak Up, Speak Out (Hais Kom Nrov, Tawm Suab)" WI</p>  <p>children.wi.gov</p>
---	---

Kev siv daim yuaj

1. Tus neeg hluas muab daim yuaj teec qhia cov tswv yim yuav pab tswj kom lawv siab tus thaum muaj kev puas ntsoog.
2. Tus hluas nqa daim yuaj nrog nws los sis muab nws yees duab cia rau hauv nws lub xov tooj.
3. Thaum twg tus hluas ntsib kev puas ntsoog, nws muab tau daim yuaj qhia cov neeg laus nyob ib puag ncig kom lawv paub pab thiab txhawb tus neeg hluas zoo tshaj plaws.

H

Cov ncauj lus hauv tsab ntawv xov xwm no yog tshaj tawm raws li txoj cai Social Security Act § 1915(c) thiab 42 C.F.R. § 440.180.

Sau tau qee cov qauv tswv yim ua kom siab tus rau ntawm yuaj yog:

- Cia kuv thaws ib lub pob.
- Cia kuv mloog suab nkauj.
- Coj kuv mus rau ib qho chaw ntsiag to.
- Tsis txhob hais lus rau kuv. Kuv yuav tsum tau nyob tsiag to.
- Puag kuv.
- Tsis txhob chww kuv. Kuv yuav tsum tau chaw dav.
- Cia kuv qw rau lub tog hauv ncoo.

Txoj kev nqa daim yuaj nrog, tus me nyuam muaj peev xwm teev tau cov tswv yim pab kom siab tus rau nws tus kheej. Qhov no ua rau lawv nyob nyab xeeb thiab lwm cov nkag siab txog lawv. Cov nyob ib puag ncig lawv yuav muaj peev xwm pab tau lawv los ntawm txoj kev siv cov tswv yim zoo tshaj plaws rau tus me nyuam.

Nrhiav tau daim yuaj thiab ncauj lus ntxiv txog kev siv nws nyob rau ntawm [children.wi.gov/Pages/CollectiveImpactTeams/YouthMentalHealthCrisisPlanCard.aspx](https://www.children.wi.gov/Pages/CollectiveImpactTeams/YouthMentalHealthCrisisPlanCard.aspx). Cov tsev neeg thiab cov neeg zov tu yuav tham tau nrog tus hluas txog lub tswv yim no pab tau nws li cas.

Cov chaw muaj kev pab tau rau cov tsev neeg

Wisconsin cov ncauj lus tshiab txog tshuaj tiv thaiv COVID-19 hauv Wisconsin: www.dhs.wisconsin.gov/covid-19/vaccine.htm

Deciding Together (Txiaiv Txim Ua Ke) kev coj qhia: www.dhs.wisconsin.gov/library/p-02246.htm

Cov hom hauj lwm hauv vaj hauv tsev rau cov me nyuam thiab cov ncauj lus ntawm qhov chaw txuas mus rau cov hauj lwm hauv vaj hauv tsev thiab kev ua hauj lwm rau yav pem suab: www.seekfreaks.com/index.php/2018/02/06/participating-in-chores-at-home-a-facilitator-of-employment-in-youth-with-disabilities/

Kev qhia cov hauj lwm hauv vaj hauv tsev rau ib tug me nyuam muaj cov kev tu ncuu tshwj xeeb: www.friendshipcircle.org/blog/2012/03/07/how-to-teach-chores-to-your-special-needs-child/

PUAS XAV TAU

KEY PAB?

Qee lub sij hawm tib neeg yeej muaj cov kev xav sib txawv. Cov tib neeg, ua zoo npaum li lawv ua tau, yeej tseem tsis muaj kev pom zoo qees. Txhua lub tsev neeg muaj txoj cai thov kev txiaiv txim dua txog cov kev pab txhawb thiab kev pab cuam. Kom thov tau, zwm ntawv thov kev txiaiv txim dua nrog Division of Hearings and Appeals (Fab Tswj Xyuas Cov Rooj Sib Hais thiab Kev Txiaiv Txim Dua) ntawm www.wi.gov/Pages/LicensesHearings/DHAWorkandFamilyServicesUnit.aspx. Yuav tsis xam txoj kev thov kev txiaiv txim dua ua ib txoj kev tsis zoo. Nws tsuas yog ib txoj kev pab txhawb rau koj lub tsev neeg.

H

Cov ncauj lus hauv tsab ntawv xov xwm no yog tshaj tawm raws li txoj cai Social Security Act § 1915(c) thiab 42 C.F.R. § 440.180.



All in for Kids (Tag Nrho Rau Me Nyuam Xov Xwm): Txoj kev pab CLTS Waiver Program (Txoj Kev Pab Zam) yog tsab ntawv xov xwm yog tshaj tawm los ntawm Wisconsin Department of Health Services (Tuam Tsev Tsw jXyuas Kev Noj Qab Haus Huv) rau cov me nyuam thiab cov tsev neeg nyob hauv txoj kev pab CLTS Waiver Program (Txoj Kev Pab Zam).

Txoj kev pab CLTS Waiver Program (Txoj Kev Pab Zam) muab Medicaid nyiaj txiag pab txhawb rau cov me nyuam uas muaj cov kev txwv txiaiv tsis taus loj heev vim yog txoj kev xeeb tsis meej, kev puas ib ce los yog cov kev puas hlwb puas siab ntsws uas nyob rau hauv tsev los yog hauv lub zej zog neeg. Siv tau cov nyiaj txiag mus txhawb ntau hom kev pab cuam raws li txoj kev ntsuas pom ntawm tus me nyuam thiab lub tsev neeg cov kev tu ncuu thiab cov hom phiaj los yog kev xav tau uas pom muaj. Xav paub ntxiv, mus xyuas www.dhs.wisconsin.gov/children/index.htm.

Para leer este boletín en español, visite www.dhs.wisconsin.gov/library/akids.htm.

Xav nyeem tsab ntawv xov xwm no ua Lus Mev, mus xyuas www.dhs.wisconsin.gov/library/akids.htm.

Rau lwm cov hom lus (繁體中文, 简体中文, Deutsch, العربية, русский, 한국어, Tiếng Việt, Deutsch, ፊደላዊ, Français, Polski, हिंदी, Shqip, Tagalog, Soomaali): 608-266-8560.